


Broj: 11-05-38-sl./18  
Sarajevo, 02.03.2018. godine

SKUPŠTINA KANTONA SARAJEVO



**PREDMET:** Odgovor na zastupničku inicijativu, br: 01-05-1480/18 od 01.02.2018. godine, dostavlja se


**PITANJE:** Zastupnik u Skupštini Kantona Sarajevo Izudin Bajrović, na 37. Radnoj sjednici Skupštine Kantona Sarajevo, održanoj dana 31.01.2018. godine, u okviru tačke Dnevnog reda „Poslanička pitanja, inicijative i odgovori“, pokrenuo je sljedeću inicijativu:

„Poštovani, budući da na Univerzitetu u Sarajevu studira određeni broj studenata sa invaliditetom, a uslovi na visokoškolskim ustanovama nisu prilagođeni toj populaciji studenata od samog prilaza, do unutrašnjosti, pomoćne infrastrukture, pristupa oglasnim pločama, asistivne opreme, te mnogim problemima s kojima se ova populacija studenata svakodnevno susreće. Upućujem inicijativu da se izvrši sveobuhvatna analiza stanja na visokoškolskim ustanovama po pitanju smetnji za normalno studiranje studenata sa invaliditetom, te da se od strane Ministarstva za obrazovanje nauku i mlade Kantona Sarajevo uradi sve što je potrebno kako bi visokoškolske ustanove, kao i studentski domovi napravili ono što je neophodno kako bi se studenti sa invaliditetom osjećali kao ravnopravni članovi akademske zajednice“.

**ODGOVOR:** U vezi sa naprijed navedenom inicijativom, koristimo priliku informisati Vas da je Ministarstvo za obrazovanje, nauku i mlade Kantona Sarajevo dana 09.02.2018. godine imenovalo Komisiju koja ima zadatak da neposrednim uvidom u relevantnu dokumentaciju, pregledom prostora i drugih raspoloživih kapaciteta Univerziteta u Sarajevu i njegovih organizacionih jedinica, utvrdi i dokumentuje sve relevantne činjenice u vezi sa ispunjavanjem uslova za obavljanje registrovane djelatnosti u skladu sa Zakonom o visokom obrazovanju i Standardima i normativima za obavljanje djelatnosti visokog obrazovanja na području Kantona Sarajevo.

U obrascu koji je izradilo Ministarstvo za obrazovanje, nauku i mlade Kantona Sarajevo, a koji je obavezujući u radu Komisije, predviđeno je da Komisija provjerava i dokumentuje i ispunjenost uslova koji se odnosi na obavezu osiguranja pristupa invalidnim licima do objekta i u okviru objekta organizacionih jedinica Univerziteta u Sarajevu.

Nakon što Komisija imenovana rješenjem Ministarstva za obrazovanje, nauku i mlade Kantona Sarajevo broj: 11/05-05-29722-1/18 od 09.02.2018. godine podnese izvještaj o svom radu, Ministarstvo će analizirati utvrđeno činjenično stanje nakon čega će pristupiti definisanju aktivnosti u cilju otklanjanja utvrđenih nedostataka.



Dostaviti:

1. Naslovu,
2. Stručna služba Vlade Kantona Sarajevo
3. a/a

